

Jaorverslag vastelaovesverieniging De Spurriemök seizoen 2002-2003.

Bej un jaorverslag hure de ciefers, de datums en de name van ut carnavalsseizoen 2002-2003. Ut begin is um bitje tej mar al snel zal ut jaorverslag volge.

Ut bestuur bestond uut:

Vurzitter	Wout Zanders
Penningmèster	Twan Voermans
Secretaresse	Rian Clephas
Vorst	Marco de Mulder
Bestuursleje	Ruud Zanders
	Peter Claessens
	Martien Steeghs

De raad van elluf bestond dit jaor uut:

Jan Classens	Eric Flinsenberg	Richard Geurts	Marc Zanders
Johan Creanmehr	Emiel Evers	William Steeghs	
Dave Clephas	Erik Loonen	Fabian Voermans	
Eric Geurts	Hans Loonen	Guus Willemsen	

De raad van elluf vergaderde 7 kier bej Wout en Lilian an de Zandhoek. Ut bestuur kwaam ien totaal 11 kier bejen.

Ut antal leje bedroeg: 169 leje.

Hiervan ware dur 7 bestuurslid, 13 raadslid en 6 iere-lid nameluk Jan Beerkens, Thei Hendrix, Hay Steeghs, Wil Willems, Gerrit Houwen en Jan Nelissen.

De rest, 143 ien aantal, steunt os verieniging en zien dur bej op dun Bonte Aovend.

S'maondags 11 november wier ut seizoen geopend mit de jaorvergadering. Beneje ien de Liede wier zoas gewoonluk de notule, ut verslag en de ciefers besproke. Gelukkig wier dur vanuut de zaal mit un krietische noot gereageerd.

's Zaoterdaags 18 november mocht de raad same mit ozze Prins Jos en zien prinses Petra en Thei en Willy Peeters naor ut Vorstenraodsbal ien de Smakt. Ut was zoas gewoënluk unne gezellige aovend. Hier ziedde dat wej mit ozze Vorst Marco ut ga nie slecht hebbe getroffe. Hej dej of hej dislecties was, ut was un kei moje speech.

Ok dan ziede ut verschil tusse de verschillende Vorste. Dur zien kei goeje en goeje Vorste. Vur mej verdiane alle vorste un compliment, doe ze mar us nao vur zônne volle zaal.

Daorna was ut zoas gewoonluk wèr kei gezellig en smieke de biertjes vur d'n twedde kier goed.

s Zondags 19 november ginge wej naor ut Jubileum van de Kaevers ien de Smakt. Ok hier was ut wer un fiëst.

Bonte Aovend

Mit veul oerwoudgeluide kwaame de wereldreizigers Johan en Pieter terug ien Oeldere mit eur wereldverhale um d'n aovend an en te praote.

As urste kwame 4 moje oelderse mechjes allias de Lachicas Flamigo's eur danskunste vertone. Zej liete un spetterende dans zien. Daornao kwaam enne komische douanjé, hej kos mar efkus blieve, hej zaag ze nameluk vliege.

Vervolgus kwaam "Verkierd Um" dit ware de alde garde van raod. De vrollie stelde kels veur en de kels ware vrollie. Ut was soms moeiluk te zien wie ien ut echt de kel was of de vrouw. Mit eur dansje ging ut duk mar net goed, dur zien gèn rake klappe gevalle.

Daornao kwaam de Durpspolitiek mit ut toepasselukke thema ien d'n Indycar. Dat circuit, dat circuit, dat circuit dat kumt dur nie. Alle durpe van de gemènt zien angegaon en ien elk durp mieke zej wel wat mit. Ok won zej nog gaon pinne bej de bank nou ut nog kan.

Helaas kwaam zaoterdag an ut moje prinsejaor van Prins Jos en Prinses Petra un eind. Urst kreeg Jos zien lunchpakketje en andere versnapperingen. Vervolges kwame de lollies want doar wèt Jos neve de kant toch wel raod mit. Daornao zong Prins Jos as dank vur ut moje jaor in volle overgave Mexico. Vur de leste kier eindig ik mit Jos ziene liefspreuk: Carnaval ien Oeldere dat is un fièst mit pit, de Prins mit zien gevolg gut veurop en alle Mökke doen mit. Ex-Prins Jos en Petra bedankt vur ut moje carnivalsseizoen, wej hebbe dur van genote en wej hope gillie ok.

Ien de pauze kwaame de jonge van de raod mit brudjes rond en wier dur zoas gewoonluk flink gekletst. De brudjescommissie bedankt vur ut verzurde van de brudjes.

Nao de pauze kwame de Flower dance girls wèr un moj dansstukske laote zien. Daornao kwaam dun verlège vrejezel den absoluut gènne sjans haj. Mit zien gestotter en gedrej kreeg hej de ganse zaal plat. Vervolges mos de zaal actief werre mit d'n bandparodist, vur dat ge ut zelf ien de gate hat stonde veur op ut podium. As enne gek rende de bandparodist dur de zaal um zoveul meugeluk meense te vraoge um un akt mit te doen.

As klapstuk stond dit jaor os eige Spurriezaod op de buhn. Rasta Rastelli was hierbej as gast en hej woj de ganse zaal hypnotisiere, mar alleen Peter was hier vatbaar vur. Wat den onder hypnose allemaol kos en dej ongelofeluk gewoën. Fantastisch zoas die jonge da kunne.

Prinsroaje

Op zondag 29 december wier dur an de deure ien Oeldere gevraagd wie d'n Neje Prins zij werre. De carnivalsvereniging haj de bank gekraakt en de vorst zaat al enkele wèke vast ien de kluus. De verschillende kandidate hebben um daor opgezocht. Ok zien de jonge van de Prinseproclamasiecommissie Oeldere rond gewèst um de prinsemuts en het kroontje te passen. Daor hingede bewieze van ien ut pinhukske. Natasja mit urre badjas an, Ralf Steegs, Corine Michels en nog veul mier meugeluke kandidate.

Prinseproclamatie

De prinseproclamasie was op zondag 5 januari. Zoas gewoonluk zaat de Linde wer bomvol. Ut was toch wel wer efkus wenne Jos en Petra achter ut buffet te zien ien plats van ien de prinseklier. Gans Oeldere haj ut druk mit de Indycarbaan. Ut uitkomme van de Prins was hier dan ok hielemaol op afgestemd. Mit dun Bonte Aovend han wej al meuge geniete van un denderend optreeje van de Durpspolitiek en mit de Prinseproclamatie kwaame zej urre megahit wer speule. Daornao kwaame dur 4 coureurs ut circuit op. Enne onderlinge wedstrijd dur middel van 4 vraoge die ze mósse beantwoordde mos uitmaake wie de neje Prins zeuj werre. De jury haaj de beste der uut gezòcht, mar op ut moment dat hej onthuld zij werre kwaam dur enne kraakauto de buhne op mit ozze neje Prins Thej d'n viefde en zien Prinses Willem of toch mar Willy.

Dur alle stress ware zej ut neje Jeugdtrio vergaète dus mosse zej wer terrug um dees te gaon hale. Ut neje Jeugdtrio vu 2003 was: Jeugdprins Giel, Jeugdvorstin Peggy en Jeugdmar Jasper. Un moj stel bej elkaar.

Ut boerebruudspaar van dit jaor kwaam uut de buurt "Rondum de Mökkestal". De wekker ging terug ien dun tied, zij dit betekenen dat ut neje boerebruudspaar nie mer van dizze tied is. In ieder geval ut Boerebruudspaar 2003 kwaame tevurschien Jan Janssen en Sylvia Sanders. Un moj uitkomme mit un moj stel meense.

Nao un paar uurkes flink fiëste wière dur nog eier gegète bej ozze kersverse prins Thej d'n Viefde. Dur was goed gezurgd dur ozze alde prins mar helaas, nao nog wat extra eikes van Thej gebruikt te hebbe, was er gèn ei mer te kriege. Ut was in ieder geval kei gezellig. Daornao zien wej mit zien alle nog lekker ien d'n Terp durgezakt.

Aldwieverbal

Dun dag is wer angebrooke, vur ut fiëst der fiëste. Gans Oeldere is uutgeloëpe um te laote zien wie ut mojste, lellukst en ut mèst onherkenbaar ware. De jurie gaaf al gelijk ut goeije vurbeeld dur de wage alsvast op de kop te zette wearna de zaal kos volge. Bej elke groep die binne kwaam ging de sirene af en de zwaailampe an. Dur hebbe 23 groepe en duos mit gedaon. De commissie haj goed gezurgd dur was genoeg koaje, parsvleis en bloedworst. Ok smieke de prieze wèr heerluk. Bej de groepe haj de Stankcirkel gewonne, de ade garde haj de twedde pries en Wej schrikke af han de derde pries. Bej de duo's haj ut kaartteam gewonne. Zoas gewoënluk was ut an ut eind wer lekker glad en mos dur un bak mit zaagsel an te paskomme om de zaal te remme. Mar ja hoe grutter de rotzooi des te beter ut fiëst. Ut was wer un prachtig fiëst. Daornao zien wej eier gaon ete bej Erik en Anita Loonen.

Circus Mök

Zaoterdags durop ginge wej op uutnuëdiging van de Piëlhaas naor Circus Mök. De Piëlhaas biedt de carnavalsverienigingen die angeslote zien bej de vorsteraod vort jaorluks an um enne aovend mit te make op Circus Mök. Unne aovend den beter was as de afgeloëpe jaore. De sluters Rob en Willie ware wer kei goed.

Ienmiddels was ozze carnavalskrant ut Spurriemökske ok wer verrig. Dit jaor un moje krant mit un moje veurkant en leuke stukskes.

Receptie

's Mergesvroeg ging de kelderband en de Kammeraoj, Prins Thej en Prinses Willy (en de rest van de buurt) wakker make mit un serenade en onbijt. Zoë as altied unne lange dag en un druk bezochte receptie, mar zeker ok un gezellige reseptie. Annemarie Willems het dur vur gezurgd dat de jonge van de raod dur wer mit moje hestjes bej loëpe. Annemarie bedankt. De kammeruj van Thej alias ut gospelkoor ware ien unne goeje moet en zonge dan ok uut volle borst oh happy day. Ok de familie haj un moj stukse. Net as ut prinse elftal van SVOC. Ut was zo'n gezellige reseptie dat de blaoskapel uut Ysselstejn dur nog un echt gezellig fiëstje van miek, ut evenaarde bejnao ut Ald Wieverbal. Jacqueline haj un moje proclamatie gemakt, bej Thej en Willy viel deze goed ien de smaak.

Nao afloëp ginge wej mit de raod naor Marc en Esther an de zandhoek eiere ète. Dur ware dur al un aantal goed hin, dur wier nog flink gezonge en gefiëst. Nao ut eier ete wier dur nog un bezoek gebrocht an d'n Terp.

JVV aovend.

Um half aacht zaat de zaal al vol. Toen wej binnekwame was Nabbe Sef al an ut speule. De volksdansgroep zaat moj ien ut begin van dun aovend. Daornao kwaam unne mistury guest binne ien um moj kèrke. De ganse zaal moog vraoge stelle. Nao wat raoje kwaam de neje mistury guest dit was: Harry Jansen de alde postbode den wèr blie was dat hej oppenrej de route Oeldere kriegt. Dur was ok wèr pauze waorien de brudjes goed smieke. Nao de pauze wier dur nog efkus gedanst en toen kwaame Loone en Thej nog op bezuuk, die mit urre humor de zaal an ut lache kreege. Ok haj Nabbe Sef nog un paar moje luuster liedjes. Kortum unne kei moje aovend wor de JVV'ers en wej wer terug op kunne kieke.

De wèk vur de carnaval was dur receptie ien Cassese. Dankzij Vorst Marco hebbe wej dur wer twië neje leje bej. Jacques en Arie Seijkes het hej moj un lidmaatschap an kunne smère. Marco het dur un moj praotje gehalde. Ok ien Kassele was ut gezellig, dat han wej nie verwacht miot al die knuppels.

's Zondags wiere de kleedlokale bej SVOC geopende dur de Prins Sjaak uut Kassele en ozze Prins Thej dur wier nog wat gestecheld ovver de vlagge van Kassele en Oeldere. De vlag van Kassele is inderdaad mojer mar die wert ok weg gehald. s'Middags moge wej wer an den bak vur de reseptie van Ten Duijf. Ten kreeg un onderscheiding vur verdienste bej de Pielhaas. Ozze Vorst haj un prachtig kado Ten Duijf, tien doeve en un stuk holt. Hej haj dur un kei moje speech bej. Mochte ze de doeve nie wille halde dan kosse ze dur nog altied holtdoevesoep van make. Vervolges vroeg Marco ten of hej un paar kier roekoe, roekoe, woj roepe, um te kieke of de doeve hierop reagieren, dus Ten ruupt roekoe, roekoe, waarop Marco reageert gej wet toch zeker wel dat ge doeve nie kunt laote praote. Ten en Els vonde ut schitterend en gawe ok duudeluk an dit is Oelderse humor, hier halde wej van. Helaas zien de doeve ienmiddels gevloge mar ut idee was kei goed.

En dan is ut al snel donderdagaovend. Tiggeworrig vur de carnivalsveriëning ut begin van de carnaval mit un bezuuk an de carnivalsaovend van de Scouting. Vrejdagsmiddags volgt dan ut carnivalsbal van de leggere schol en as gej dor rondkiekt dan hëve wej os nog lang gèn zurg te make dat dur ien de toekomst gen neje anwas is vur de Spurriemök is.

En dan op vrejdagmerge Shit de mök is gejat bej de bank. Niemand het gezien wie um opgelaje hèt. Wej hope dat de mök vur de carnaval terug is. De mök zal wel ien Kassele zien, waar anders.

Op vrejdagaovend was ut tied um op ziekebezuuk te gaon. De opa van ozze jeugdprins Giel lej ien ut ziekehuus en dur wier un bezuuk gebraogt an Thej Helligers.

As ge op zaoterdagmerge dur Oeldere fietst was ut toch anders dan anders. Alles zaag dur feesteluk en vroluk uut. Bej kei veul huus hing de vlag van de spurriemök buute. Prachtig as ge de moj versierde straote zaagt. Ut is duudeluk dat Oeldere klaor is vur un moj fiest.

Dit jaor vur ut urst wier ut kleinste mökske ien de tuin gezet bej ut jongste mökske. Dit jaor was dat bej Lynn van den Broeck. Um 11.11 uur wier ut mökske geplatst en beschuut mit muskes gegete.

Vur de verandering was ut rustig ien ut Gemèntehuus bej de installatie van de prinse van de Gemènte Venroy. Dur moge mar un beperkt aantal raadsleje mit.

Burgemèster Waals maeide ut gras vast weg en begos ovver zien eige wanbeleid bej de gemènte. Vorst Teun stont er vur de lèste kier names de kerkdurpe. Hej haj un goeje rake speech.

De vastelaovesmis was wer erg druk bezocht. De Kelderband zurgde vur en moj stukske muziek. De zang van Henk Jacobs en Piet Drabbels was kei moj. As leste ien de vastelaovesmis was het wer de beurt an ozze vorst den ien ziene speech de Cliniclowns onder de aandacht braogt. Dur kwaam unne clown de kerk ien wandele mit un menneke mit un geldbekske. Ozze Vorst vroeg os of wej mit dees daag ok an de kieder won denke die gen Carnaval kunne viere umdat ze ziek zien. Vur hun is de Cliniclown onmisbaar. De cliniclown brengt ur ien moeiluke dage dat zej zwaor ziek zien un bezuuk waordaor dat zej wer efkes kunne lache en alle elende kunne vergete. Dit menneke blijft tot nao carnivals dinsdag ien de linde zodat iederiën dur nog wat ien kan gooije. Ut bekske van ut menneke was nao de carnaval goed gevuld, de ambassadeur is langs gekome om ut bedrag ien ontvangst te nemen.

Nao de mis ginge wej vur dun 15^e kier bej pastoër op de koffie . Ien de pastorie kreeg pastoër vervolges nog un moj carnivalsonderscheidinge um ien ziene kast te hange. Ut kado viel bej Patoer en Jet goed ien de smaak. Allien kos de vlag niet opgehange werre, dees reperatie mot dit jaor nog gebeure. Wederom wiere wej goed verzurgd dur Wil en Nel.

Nao ut korte bezuuk an de pastorie volgde ut Mökkebal ien de Linde. Zoëas wej ien Oeldere gewent zien was ut unne gezellige aovend. Ut was nie kei druk en de jeugd ging later naor Venray mar ut was wel wer erg gezellig Binne de raod wier dur flink mit gedaon en dur wiere ok flink wat stripkes gezet. Ok wiere wej getraktiert op un akt van ozze Prins Thej alias Meatlaof. Het was un prachtig gezicht te zien hoe hej dur zelf van genoot. Nao afloop wiere dur nog wat eikes gebakken ien de Liende. Kortum de opening van ut fiëst der fiëste is goed begonne. Iederiën ging op tied naor huus want dur komme nog wat daag.

Zondag rond de middag werre Prins Thej, Prinses Willy en Jeugdprins Giel afgehald mit de carnivalswage. Daornao zien wej mit zien alle dat wil zeggen de Raod, Jeugdraod en de Kelderband en anhang bej d'n Terp aangegaon vur de brunch. Dizze brunch was goed verzugd. Nao de brunch was d'r efkes tied um bej te kletse en os veur te bereide op ut kienderbal.

Ut kienderbal was gezellig en goed bezocht. Ok kos iederiën zien snuut wer laote schminken. De spurriemökses han ur best gedaon op de kleurplate en de pries wiere 's middags dan ok uut gereikt. Ozze Prins Thej haj last van zien vuut, ja Prins zien ien Oeldere gut nie ovver roëze. Hej kreeg un voetmassage van Ankie, waornao hej wer voluut kos gaon hoss, springe en swinge. 's Oavends ien d'n Terp was ut moj vol en kei gezellig. Dur wier flink gehoste en gespronge en de sfeer was kei goed. Ienmiddels wiete wej dat de mök ien Kassele mit getrokke hèt mit dun optocht. De Oelderse mök mos de optocht ien Kassele moj make. Ut kan ok nie anders.

Maondag

's Merges is dur Snotneuzebal. Dit jaor was ut echt fiëst vur de klènste mökskes. Gewet wel de kiender die nog an de bokspiep blieve hange. Waor was trouwes de box.

Ut is moj um te zien hoe dees klène kiender liere fiëst te viere.

Dit jaor han wej geluk en stonde redeluk an ut begin van de Venrojse optocht. De raod ging veur de prinsewage uut mit vlagge was un moj gezicht: De Carnaval ien Oeldere is mit vlag en wimpel geslaagd.

Daornao kwaam ut kienderbal waor ut druk en wèr kei gezellig was. As geij de kiender ziet hosse en danse un schon gezicht vural as zej ur eige muziek hebbe of an kunne vraoge.

's Aoves was het niveau ien dun Terp gedaald tot lege glaze. Ut was dur kei gezellig mar wel hiel erg flauw.

Dinsdags:

De Boerebrulloftsbuurt haj ur best gedaon en oud hollandse spelle wiere druk bezocht.

Elke buurt mos mit un gruppe spelle uitvoere. Johan Craenmehr, de nar van ozze vereniging, liep per ongeluk mar express de blikke gans kapot en hej ging nog efkus dur ut lient. De Optocht is ok dur Oeldere getrokke, de iene helft stut nève de kant en de andere helft lupt mit. De optocht was te vergelieke mit optochte van andere jaore.

Bej binnekost ien de Linde viel wel op hoe heerluk flauw d'n aovend ien de terp was, dur hing un hangtaofel an het plafone mit de tekst hangtaofel.

Ien de Liende wier mit un korte seremonie ut huweluk geslote tussen Jan en Silvia.

Halverwege de middag stond dur unne combine veur bej de Liende, Jan kreeg bezuuk van zien kameraod en boerebruudegom Twan Striebosch. Ut was goed druk ien de Mökkestal. Ut wier un kei gezellige middag.

Ok de Boeremoes smiek wèr goed, vur de femielie van Jan smiek de shoarma goed.

De meziek speelt nog lekker lang door en dur wurdt nog gefiëst. Ozze prins gut nog unne kier de lucht ien. Ok kriegt Thej nog iene kier de kans um as Prins Meatlaof te doen, un prachtig gezicht.

Ut eind kumt al ien zicht. Ok vur de jeugd werd dur enne mök verbrand um tien uur was ut zowiet. Hier en daor wier dur un traantje weg gepinkt mar iederiën kos terug kieke op un geslaagde jeugdcarnaval. Anita Classens bedankt vur ut behere van de jeugdpakke. Zej hèt dur vur gezurgt dat de jeugdraod dur de ganse carnaval piekfijn bej het gelope.

Drie daag Soos

Tja wat motte daor van zegge drukker dan druk, natter dan nat en Biëstig gezellig. Bèter kan ut nie, de jonge en mechjes van de soos verdiene un compliment. Zej make dur vur de Oelderse jeugd un grandioos fiëst van en zurge dat de jeugd ien Oeldere blijft.

Ien dun Terp was ut afgelaje vol en gezellig, mar toch hing dur un gedempte stemming. Dur is nog efkus heerluk gefiest. Um half twelf was ut zo wiet. Ozze Vorst Marco en Angelique treje af en Peter en Maria treje af. Same zitte ze op ut biljart. Un hiële aderlating vur os vereniging. Peter den 17 jaor Bestuurslid, raodslid en Prins is gewest. Zurgde dur vur dat de technische commissie goed dreijde. Was dur wat kapot of mos dur wat ien elkaar gezet werre, Peter zurgde dat ut gemakt wier en op tied klaor was. Ok zurgde hej vur de kiender, (thuus en ien de Liende) dat zej qua chips en snoepzakke niks te kort kwaame. Marco ozze Vorst scheidde dur nao 10 jaor ok mit uut. Wej zun Marco misse hej het ut vier jaor as Vorst kei goed gedaon. Bej elke gelegenheid haj hej un leuk idee en zurgde Angelique dur vur dat dur un kado was. Ok ut prins begeleiden was un taak welke zej mit veul plezier uitvoerde. Alle Prinse zien eur hier dankbaar vur. As kado van de vereniging wiere dur mikke en eiere uut gereikt. An ut eind van ut verhaal wier duudeluk dat wej dees vier meense nie zoemar won laote gaon mar dat er nao ut fiëstje ien dun terp nog nao gefiëst ging werre bej Marco en Angelique onder de

carport. Dur was gezurgd vur un bakplaat, eier, mik en boter. Dur was ok nog tied um ozze PrinsThej en Prinses Willy af te laote sluuten en toen zaat de Carnaval 2003 dur wèr op en wier de mök verbrand.

Nao nog gezellig naogefiëst te hebbe ien den terp ging iederiën eier ete bej Marco en Angelique. Ut was dur nog kei gezellig. Ut gaaf un hiel speciaal tintje an de carnaval nog effe naopraote onder de carport. Dur kwaame nog wat blikke bier te vurschien, ok kosse Paula en Gerrit nog efkes mit fiëste.

Kortum Carnaval 2003 was en geslaagd fiëst. Prins Thej, Prinses Willy, Vorst Marco, Jeugdprins Giel (Hellegers) Jeugdvorstin Peggy (Wolfraadt) en Nar Jasper (Philipsen), de Kelderband, Bestuur, groëte en klène raod en alle carnivalsvierders bedankt vur dit geweldige jaor.